



المحامي المبتدئ 10

تحتوي على:

- يعني إيه شطب الدعوى وليه يحصل.
- المدة القانونية المسموح فيها بتجديد الدعوى.
- إيه اللي يحصل لو المدة عدت من غير تجديد.
- الإجراءات القانونية لتجديد الدعوى خطوة بخطوة.
- إزاي تكتب صحيفة إعلان بتجديد الدعوى من الشطب بشكل صحيح.
- صيغة كاملة للتطبيق العملي.

إعداد

إبراهيم الباز النجار

إبراهيم الباز النجار

عرف نفسك، سواء باسمك أو درجة القيد أو
عنوان المكتب أو البريد الإلكتروني، وهكذا.



بسم الله الرحمن الرحيم
وَمَنْ يَتَوَكَّلْ عَلَى اللَّهِ فَهُوَ حَسْبُهُ
صدق الله العظيم

إعلان تجديد الدعوى من الشطب

إنه في يوم الموافق ... / ... / ... الساعة

الموضوع

بناءً على طلب السيد/

المقيم/

ومحله المختار مكتب الأستاذ/

, المحامي

الكائن /

أنا محضر محكمة قد انتقلت وأعلنت :-

١- السيد/

المقيم/

مخاطباً مع/

إعلان تجديد
الدعوى من
الشطب

الموضوع

أقام الطالب الدعوى رقم لسنة أمام محكمة الدائرة
طالباً في ختام صحيفة افتتاحها الحكم له بـ: (يذكر موجز للطلبات الأصلية في الدعوى).
وحيث كان محدد لنظر الدعوى جلسة قررت المحكمة شطب الدعوى وذلك
لتخلف الطالب عن الحضور في الموعد المحدد لنظر الدعوى
وحيث أنه يحق للطالب تجديد الدعوى من الشطب قبل مضي ستين يوماً
من تاريخ قرار الشطب، وذلك عملاً بنص المادة 82 من قانون المرافعات .
وحيث لم تنقضي هذه المدة بعد على قرار الشطب الصادر بتاريخ ... / ... /
ولذلك، فإن الطالب يرغب في تجديد دعواه للسير فيها والحكم له
بالطلبات الأصلية الواردة بصحيفة افتتاح الدعوى.

وكيل

الطالب

المحامي

بنـاءً عليه

أنا المحضر سالف الذكر قد انتقلت في التاريخ المذكور أعلاه إلى حيث محل إقامة المعلن إليه
وسلمته صورة من هذا الإعلان وكلفته بالحضور أمام محكمة الكائن مقرها ذلك
بجلستها التي ستعقد علناً يوم الموافق ... / ... / ... من الساعة التاسعة صباحاً وما بعدها.
لسماع الحكم بـ :

- 1- تجديد الدعوى من الشطب واعتبارها كأن لم تكن مشطوبة.
 - 2- الحكم بالطلبات الواردة بصحيفة افتتاح الدعوى الأصلية (تذكر الطلبات تفصيلاً كما كانت).
 - 3- إلزام المدعى عليه بالمصاريف وأتعاب المحاماة.
- ولأجل العلم،



دونها في كشكولك



(الحقوق محفوظة لـ: ebrahim_elbaz1@ (الصفحة الأصلية للمحتوى).

محامي متدرب:

أستاذ، النهارده كان عندي جلسة، وراحت عليا نومة، فلما روحت أشوفها لقيت الدعوى انتشبت. فعاوز حل، وممكن تشرحلي أعمل إيه؟

الأستاذ:

طبعا مفيش مشكلة. هنعمل إجراء اسمه **تجديد الدعوى من الشطب**، وهشرحه لك على **هيئة سؤال وجواب**. وبعد كده هفهمك شروط **وإجراءات قبول طلب التجديد**. وفي النهاية هعرفك **إزاي تكتب صحيفة إعلان بتجديد الدعوى من الشطب بنفسك**.

إبراهيم الباز النجار عرف نفسك، سواء باسمك أو درجة الفيد أو عنوان المكتب أو البريد الإلكتروني، وهكذا.		بسم الله الرحمن الرحيم وإن يؤكل على الله فهو حسنة صلوات الله العظم	
إعلان تجديد الدعوى من الشطب			
إته في يوم الموافق الساعة		بناء على طلب السيد/	
الموقع/		ومحله المختار مكتب الأستاذ/	
المحامي		القائم /	
أنا محضر محكمة قد التقت وأعلنت :-		أنا السيد/	
مخضيا مع/		الموقع/	
الموضوع			
أقام الطالب الدعوى رقم لسنة أمام محكمة الدائرة طالباً في ختام صحيفة افتتاحها الحكم له بـ: (نشر موزع لفضات الأسرة في الدعوى). وحيث كان محدد لنظر الدعوى جلسة قررت المحكمة شطب الدعوى وذلك لتخلف الطالب عن الحضور في الموعد المحدد لنظر الدعوى وحيث أنه يحق للطالب تجديد الدعوى من الشطب قبل مضي ستين يوماً من تاريخ قرار الشطب، وذلك عملاً بنص المادة 82 من قانون المرافعات . وحيث لم تنقضي هذه المدة بعد على قرار الشطب الصادر بتاريخ / / ولذلك فإن الطالب يرغب في تجديد دعواه لتسير فيها والحكم له بالتطلبات الأصلية الواردة بصحيفة افتتاح الدعوى.			
بشهادة عليه			
أنا المحضر سالف الذكر قد التقت في التاريخ المذكور أعلاه إلى حيث محل إقامة المعلن إليه وسلمته صورة من هذا الإعلان وكلفته بالحضور أمام محكمة للتلان مقرها ذلك بجاسستها التي ستعقد علناً يوم الموافق / / من الساعة التاسعة صباحاً وما بعدها. لسماع الحكم بـ :			
1- تجديد الدعوى من الشطب واعتبارها كأن لم تكن مشطوبة.			
2- الحكم بالتطلبات الواردة بصحيفة افتتاح الدعوى الأصلية (تذكر الطلبات تفصيلاً كما كانت).			
3- إلزام المدعى عليه بالمصاريف وأتعاب المحاماة.			
ولأجل العظم،			

وفي البداية، ده شكل صحيفة
إعلان بتجديد الدعوى من الشطب.



(الحقوق محفوظة لـ: ebrahim_elbaz1@ (الصفحة الأصلية للمحتوى).

قبل ما نبدأ نشرح يعني إيه تجديد الدعوى من الشطب، لازم الأول تبقى
عارف شكل **الصحيفة عامل إزاي**.

ولو حابب تشوف النموذج كامل، هتلاقيه موجود في **أول الملف**.
بعد كده، تعالى أشرح لك **خطوة بخطوة كل ما يخص تجديد الدعوى
من الشطب على هيئة سؤال وجواب**.



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

إيه هو شطب الدعوى؟ ولية يحصل؟

شطب الدعوى ببساطة يعني إن القاضي **يشيل القضية** من الجدول مؤقتاً. يعني القضية **لسه موجودة**، بس مش هتمشي ولا هيتاخذ فيها حكم **لحد ما صاحبها يطلب** إنها ترجع للمحكمة من جديد. وغالباً ده بيحصل لما الطرفين **مايحضروش الجلسة** أو لما المدعي **ماينفذش** قرار المحكمة.

خليني أوضحها لك بقصة بسيطة:

فيه واحد اسمه **كريم** رفع دعوى على شخص اسمه **ياسر**. كريم **وكل محامي**، والمحامي **كتب صحيفة الدعوى** وقدمها للمحكمة وحددوا جلسة، و**كمان أعلنوا ياسر بالدعوى**. لما **جه يوم الجلسة**، لا محامي كريم **حضر** ولا ياسر **حضر** قدام القاضي. ساعتها القاضي يقول: خلاص الدعوى دي **تتشطب مؤقتاً** لحد ما المدعي هو اللي **يرجع ويطلب** إنها تتحدد لها جلسة جديدة.

إيه هي المدة المسموح بيها لتجديد الدعوى؟

المدة اللي تقدر فيها تجدد الدعوى هي **60 يوم** من يوم الشطب. يعني قدامك **شهرين** بس تطلب إن الدعوى **ترجع للمحكمة من جديد**.

(الحقوق محفوظة لـ): ebrahim_elbaz1@ (الصفحة الأصلية للمحتوى).



دونها في كشكولك



ولو عدت مدة الـ60 يوم؟ إيه اللي يحصل؟

ساعتها تبقى مشكلة كبيرة. الدعوى بتعتبر كأن لم تكن، يعني كأنها ما اترفعتش أصلاً. سواء كانت الدعوى لسه في أول جلسة ومفيش فيها أي خطوات، أو حتى لو كانت ماشيه واتاخذت فيها إجراءات قبل كده، كل ده بيروح ومش هينفع ترجعه تاني. وفي الحالة دي هتضطر ترفع دعوى جديدة من الأول خالص.

(الحقوق محفوظة لـ: @ebrahim_elbaz1 الصفحة الأصلية للمحتوى).

طب إيه هي الإجراءات القانونية لتجديد الدعوى بعد الشطب؟

- 1- بنكتب صحيفة تجديد من الشطب، ولو الدعوى محتاجة محامي لازم توقيعه ودي هشرحها كمان شوية.
- 2- بنرفق أصل الصحيفة ومعاها ٤ صور، وكمان صورتين لكل مدعى عليه.
- 3- بنروح لسكرتير الجلسة عشان يكتب البيانات ويتأشّر على الصحيفة من الجدول.
- 4- بنسدد رسم التجديد في خزينة المحكمة.
- 5- المحكمة بتحدد جلسة جديدة للدعوى.
- 6- بناخد الصحيفة والصور ونسلم صورتين للجدول، وبيتسجل التجديد على السيستم.
- 7- الصحيفة بتروح للمحضرين عشان يعلنوا الخصوم إن الدعوى اتجددت.
- 8- بعد الإعلان، بنستلم الصحيفة ونقدمها للمحكمة في الجلسة الجديدة.
- 9- بنحضر الجلسة وبنكمل في الدعوى من نفس النقطة اللي وقفت عندها قبل الشطب.



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

إزاي بقى تكتب صحيفة إعلان بتجديد الدعوى من الشطب؟

يبقى مكون من ثلاث نقاط أساسية: **المقدمة**، **الموضوع**، و**التكليف**.
و**المقدمة** كنت شرحتها في **ملفات سابقة** وهي عبارة عن ديباجة،
فهنبداً في الموضوع على طول.

الجزء الثاني: الموضوع

الموضوع في صحيفة إعلان التجديد من الشطب **لازم** يكتب
بمنتهى **البساطة والوضوح**.

أول حاجة بتكتب إنك كنت **رافع الدعوى الأصلية**، وبتذكر رقمها وسنتها
والمحكمة والدائرة، وكمان بتذكر الطلبات اللي كنت طالبها
في بداية الدعوى بشكل مختصر.

بعد كده بتوضح إن كان متحدد للدعوى جلسة، و**المحكمة شطبته** بسبب
إنك **ما حضرتش الجلسة**. وده السبب اللي لازم **يتذكر بوضوح**.

بعدها بتستند للقانون وبتبين **إن ليك الحق** إنك تجدد الدعوى قبل مرور
ستين يوم على قرار الشطب، وده حسب المادة **82** من قانون المرافعات.
وتأكد إن المدة دي لسه ما خلصتش.

وفي **الآخر** بتطلب من المحكمة إنها **تجدد الدعوى** تاني علشان ترجع
تتظر وتكمل **عادي جداً**، وبتأكد إنك متمسك **بنفس الطلبات** اللي كنت
طالبها من الأول.

(الحقوق محفوظة لـ): ebrahim_elbaz1@ (الصفحة الأصلية للمحتوى).



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

الجزء الثالث: التكليف

في الجزء ده من الصحيفة، انت بتكتب صيغة التكليف بالحضور. يعني بتوضح للمحكمة إن المُحضر **راح فعلاً** لمحل إقامة المدعى عليه وسلمه الإعلان، وبكده يبقى الخصم عرف إن **الدعوى اتجددت**.

بعد كده بتحددله المحكمة اللي هيحضر قدامها وموعد الجلسة الجديدة باليوم والتاريخ والساعة.

وبعدين بتكتب الطلبات اللي عاوز المحكمة تحكم بيها، وهي في الغالب ثلاث حاجات: **تجديد الدعوى من الشطب، والحكم بالطلبات الأصلية** اللي كانت في صحيفة افتتاح الدعوى، **وإلزام المدعى عليه بالمصاريف وأتعاب المحاماة.**

وفي الآخر بتختم الجزء ده بجملة: ولأجل العلم، هنا المُحضر بيكتب: وسلمته صورة.

في النهاية

الملف ده هدفه الأساسي إن يكون عندك فهم واضح وبسيط لإجراء تجديد الدعوى من الشطب، تعرف يعني إيه شطب، إمتى يحصل، إزاي تتصرف، وإزاي تكمل الدعوى من غير ما تضيع وقت أو مجهود أو حق على موكلك.

لكن مهم جداً إنك تعرف إن الشرح ده مجرد بداية، ومش بديل عن القراءة القانونية. نصيحتي ليك كمحامي مبتدئ أو حتى طالب حقوق: لازم يكون ليك علاقة دائمة بقانون المرافعات، بس من غير تعقيد ولا ضغط. مش مطلوب منك تتعمق دلوقتي، كل اللي محتاجه إنك تشتري الأكواد (الكتب الصغيرة اللي فيها نصوص المواد)، وتبدأ تقرأ مادة مادة.

اقرا وانت في المواصلات، وانت قاعد في أوضة المحامين، في أي وقت فاضي. المادة اللي تقف معاك أو تحس إنها مش واضحة، ابحث عنها أكثر، اسأل، اقرأ شرحها، وهكذا واحدة واحدة. ومع الوقت هتلاقي نفسك بتفهم الإجراء قبل ما القاضي يطلبه، وبتتحرك بثقة جوه الجلسة. وسلسلة المحامي المبتدئ مكمل معاك خطوة بخطوة علشان تنقلك من مرحلة إنك تنفذ إجراء وخلاص، لمرحلة إنك تبقى فاهم الإجراء، مدرك سببه، وعارف أثره القانوني، وده الهدف الحقيقي من أي تدريب صح في بداية طريقك في المحاماة.

وبس كده،

كان معكم/ إبراهيم الباز النجار،
من منصة "دونها في كشكولك"،
والسلام عليكم ورحمة الله وبركاته.

للحصول على جميع الشروحات والملفات القانونية انضم إلى قناة التليجرام وباقي منصاتنا.

https://tiktok.com/@ebrahim_elbaz1 :

<https://t.me/ebrahimelbaz12> :

Ebrahim Elbaz Elnagar :

دونها في كشكولك :